

- \*1. لیفٹنٹ گورنر منوج سنہا نے جنوبی کشمیر غا نوجوانان غا اک گروپ نانہہ تعارفی دورہ واسطے روانہ کیو ہے ۔
- \*2. بجلی غا مرکزی وزیر منوہر لعل کھٹر نے کہیو ہے جے دفعہ 370 غی منسوخی تیں بعد جموں کشمیر مانہہ تیز رفتار ترقی دیکھن مانہہ آرہی ہے ۔
- \*3. مرکزی وزیر شیو راج سنگھ چوہان نے کہیو ہے جے ایم جی نریگا بدعنوانی غی علامت بن چکو تھو۔
- \*4. نائب وزیر اعلیٰ سریندر چودھری نے کہیو ہے جے جموں کشمیر مانہہ صحت غا شعبہ مانہہ نمایاں بہتری درج کی جا رہی ہے ۔
- \*5. تے مغل روڈ محدود ٹریفک واسطے کھول دی گئی ہے ، جس ور ہلکی موٹر گڈیاں یعنی ایل ایم وی نانہہ 4 گھنٹاں واسطے چلن غی اجازت وے گی۔
- \*\*\*\*\*

### LG Flag Off

لیفٹنٹ گورنر منوج سنہا نے اج جنوبی کشمیر غا بکھ بکھ ضلعان سنگ تعلق رکھن آلا 25 نوجوانان غا اک گروپ نانہہ 10 روزہ تعلیمی ثقافتی تبادلہ تے سماجی ہم آہنگی غا دورہ واسطے روانہ کیو ہے۔ لیفٹنٹ گو رنر نے نوجوانان تے ابھرتا واہ نوجوان لیڈران سنگ ملاقات کی تے ان واسطے نیک تمنا غو اظہار کیو۔ 10 روزہ اس طویل دورہ غے دوران طلبہ تے نوجوان قانیدین چندی گڑھ، ہریانہ تے شملہ سمیت بکھ بکھ علاقان غو دورو کرینگا۔ " ایک بھارت سریشٹھ بھارت" غا جذبہ نانہہ مضبوط بنان واسطے اس دورہ غو مقصد قومی یکجہتی ثقافتی تبادلہ تے عملی سکھن غا تجربات نانہہ فروغ دینو ہے ۔ اور نوجوانان نانہہ بھارت غا متنوع ثقافتی ورثہ تے تیز رفتار ترقی سنگ برائے راست روشناس کرانو ہے۔

-----

### Khattar Reasi

بجلی غا مرکزی وزیر منوہر لعل کھٹر نے آج کہیو ہے جے جموں کشمیر مانہہ دفعہ 370 غا خاتمہ غے بعد نمایاں تے واضع ترقی دیکھن نانہہ مل رہی ہے ۔ ریاسی مانہہ راشٹریہ سویم سیوک سنگ آر ایس ایس غے زیر اہتمام منعقدہ اک بڑا بندو سمیلن سنگ خطاب کرتاں واں جناب کھٹر نے کہیو ہے جے دفعہ 370 غی منسوخی نے مرکز غے زیر انتظام علاقہ مانہہ ترقی، امن تے ہمہ گیر ترقی غا نواں رستہ کھول دتا ہے۔ انہاں نے کہیو ہے بہتر بنیادی ڈھانچہ بہتر طرز حکمرانی تے سرمایہ کاری مانہہ اضافو ہون اس خطہ نانہہ بدل رہیو ہے ۔ جناب کھٹر نے کہیو ہے جے جموں کشمیر غا لوک مرکزی فلاحی اسکیمیں تیں فائدو چاہ رہیا ہے۔ انہاں نے مزید اس طرح کہیو۔۔ بانٹ۔۔

-----

### Shivraj G Ram G

دیہی ترقی گا وزیر شیو راج سنگھ چوہان نے آج کہیو ہے جے ایم جی نریگا بدعنوانی غی علامت بن چکو تھو، جت مزدوران غو معمول غے مطابق استعمال کیو جائے تھو۔ نویں دہلی مانہہ اک پریس کانفرنس سنگ خطاب کرتاں واں شورا ج سنگھ چوہان نے کانگریس ور الزام عاند کیو ہے واہ حال ہی مانہہ بنایا گیا بھارت روز گار آجیویکا گارنٹی مشن گرامین جی رام جی ایکٹ

غا باره مانہ عوام نانہ گمراہ کر رہی ہے۔ انہاں نے کہیو جے پارٹی منریگا غو دفاع نہیں کر رہی بلکہ اس مانہ موجود بدعنوانی نانہ چھپا رہی ہے۔ جناب چوہان نے مزید کہیو جے پہاری بجٹ ہون غے باوجود منریگا دیہات مانہ کسے وی مستقل اثاثہ غی تخلیق یاہ طویل مدتی ترقی غو سبب نہیں بن سکیو۔ اس بارے بولتاں واں انہاں نے مزید اس طرح کہیو۔ بانٹ۔

-----

### People G Ram G

ضلع رام بن غا لوگ جی رام جی اسکیم متعارف کیا جان غی تعریف کر رہیا ہیں۔ واضع رہ جے یاہ اسکیم مہاتمہ گاندھی قومی دیہی روزگار گرانٹی ایکٹ غی جگہ متعارف کرائی گئی ہے۔ لوکاں غو کہنو تھو جے نوی اسکیم روزگار پیدا کرن نانہ پیداواری اثاثاں غی تخلیق نال جوڑ غے دیہی معیشت نانہ مضبوط کرے گی۔ جس نال گھریلو آمدنی مانہ اضافو وے گویرام بن تیں اک مستفید شخص وجے کمار غو کہنو تھو۔ بانٹ۔ رام بن ضلع غا اک ہور مستفید شخص راکیش کمار نے اس بارے اس طرح کہیو۔ بانٹ۔

-----

### Mission Yuva

وزیر اعظم غا ویزن "وکست بھارت 2047" غی رہنمائی غے تحت جموں کشمیر اج خود انحصاری تے کاروبار مانہ اک نوو باب لکھ رہیو ہے۔ اس سلسلہ مانہ مشن یوا تبدیلی غو مرکز ہے، جہیڑو اک تاریخی قدم ہے تے مرکزی انتظام آلا علاقہ جموں کشمیر غا نوجواناں نانہ ہنر، موقعان تے وقار نال جوڑ غے بنیادی طور ور روزگار غا رجحان نانہ نوی شکل دے رہیو ہے۔ آئی آئی ایم جموں، بارڈ، جموں کشمیر بینک، دوجا مالیاتی ادارہ تے ذریعہ معاش غا ماہرین غا اشتراک نال جموں کشمیر سرکار اس ور عمل کر رہی ہے تے مشن یووا غی بنیاد اعدادو شمار ور مبنی منصوبہ بندی تے ارادہ جاتی اصلاحات ور ہے۔ اس مشن غا تصور غے وقت حکومت نے خطہ غا روزگار تے کاروباری ماحول غا نظام غو اک تشخیصی جائزو لیو تے تشخیص نال یاہ گل باندے آئی جے بے روزگاری صرف محدود ملازمت یاہ مالیات نہیں ہے بلکہ خواہش تے رسائی غے بشکار رابطو منقطع ہونو ہے۔

-----

مزید خبران نال عبدالمجید۔ ور اس تیں پہلاں یوہ پیغام۔ (یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن آنیر ڈاٹ گوو ڈاٹ ان ور وی دستیاب ہیں، اس تیں یہ (خبر مہاری موبائل ایپ تے ڈی ٹی ایچ ور وی دستیاب ہیں

### Dy CM Health Sector

نائب وزیر اعلیٰ سریندر چودھری نے کہیو ہے جے جموں کشمیر مانہ صحت غا شعبہ مانہ گذشتہ بہراں غے دوران نمایاں بہتری دیکھی گئی ہے۔ حالانکہ اس شعبہ نانہ مضبوط تے بہتر کرن غا سلسلہ مانہ مزید کم کرن غی لوڑ ہے۔ انر پورٹ روڈ جموں مانہ نیشنل ہسپتال مانہ فل باڈی پروفائل ٹیسٹنگ فسلٹی تے تھالاسیمیا تیں متاثر بچاں واسطے خون غا عطیہ بارے کیمپ غا افتتاح تیں بعد بولتاں واں نائب وزیر اعلیٰ نے یاہ گل کہی۔ انہاں نے کہیو جے خاص جد تیں وزیر صحت نے اس شعبہ غو کم کاج سنبھالیو ہے تے تیں اس شعبہ مانہ کافی بہتری آئی ہے تے اس نانہ مزید بہتر کرن واسطے پائیدار کوششاں غی ضرورت ہے۔

-----

## NCAHP

ایلانڈ اینڈ ہیلتھ کنیر پروفیشن واسطے قومی کمیشن ( این سی اے ایچ پی) محکمہ صحت تے خاندانی بہبود، بھارتی حکومت نے ، ایلانڈ تے ہیلتھ کنیر پروفیشنلز تے اداراں غا بے رکاوٹ تے موثر اندراج واسطے آن لائن پورٹلز نانہ چلان غا سلسلہ مانہ عمل جاری ہے ۔ یوہ اندراج این سی اے ایچ پی ایکٹ 2021 غے تحت لازمی قرار دتو گیو ہے۔ اس حوالہ نال جموں کشمیر غا تمام اہل ایلانڈ تے ہیلتھ کنیر پروفیشنلز نانہ مطلع کیو جا رہی وے جے اس سلسلہ مانہ رجسٹریشن غو عمل بہت جلد شروع ہو جائے گو۔

-----

## Mughal Road

عہدیداراں غی طرفوں بار غے روز محدود گڈیاں غی آمدورفت واسطے مغل روڈ نانہ دوبارہ کھولن غو اعلان کیو گیو ہے، جس غے تحت مقررہ وقت غے دوران ہلکی موٹر گڈیاں یعنی ایل ایم وی نانہ چلن غی اجازت وے گی۔ سرکاری ٹریفک مشورہ غے مطابق مغل روڈ صرف ہلکی موٹر گڈیاں واسطے سویرے ساڈہ 10 بجے تیں دوپہر ڈھائی بجے تک کھلی رہ گی۔ یوہ فیصلو موسم تے سڑک غی صورتحال غا زمینی جائزہ تیں بعد کیو گیو ہے۔ خاص طور ور پیر کی گلی غا علاقہ مانہ جہیڑو سردیاں غا موسم مانہ برفباری تے پھسلن غے باعث حساس رہ۔ عہدیداراں نے دسیو ہے جے پہاری موٹر گڈیاں یاہ مسافر بساں نانہ اس سڑک ور چلن غی اجازت نہیں وے گی۔ تے صرف ہلکی موٹر گڈیاں غی اجازت یافتہ وینگی، جہیڑی حفاظتی تے سردیاں غی تیار غا معیار ور پوری اترینگے۔

-----

## Honey Unit

ضلع اڈھم پور غا سڈھ مہادیو علاقہ مانہ اک نوجوان کاروباری نتیش شرمانے اک جدید ترین مکھیر غو پروسسنگ یونٹ قائم کیو ہے ، جہیڑو جدید طریقہ نال لکھ ڈبا بند کرن تے اس نانہ سنبھالان غا سلسلہ مانہ اک نوی تبدیلی ہے ، جس نال مکھیر غا معیار مانہ بہتری آوے گی نالے اس نال مقامی کاروبار نانہ باندو ملے گو۔ یاہ پہل کساناں تے لوہکا کاروباریاں نانہ معیار غا سلسلہ مانہ آگے بدھن واسطے حوصلہ افزائی غے طور ور بھارتی حکومت نے شروع کی ہے ۔ بہتر تکنیکاں تے معیاری پروسسنگ نانہ اپنان نال کاروبار غو مقصد مقامی طور ور پیدا کیا مکھیر نانہ زیادہ دیر تک سنبھال غے رکھن تے اس غی بازار مانہ دستیابی بدھے گی۔ اس نال خطہ مانہ روزگار غا موقع بدھیں گا۔ اس بارے مزید دسیں گا نتیش شرما۔ بانٹ۔

-----